

孔叢子註

江蘇古籍出版社





四庫未收書提要

擘經室外集卷二

孔叢子注七卷提要

舊本題曰孔鮒撰宋宋咸注咸字貫之建陽人天聖二年進士仕至都官郎中詳何喬遠閩書是編依宋巾箱本影鈔與晁公武郡齋讀書志陳振孫直齋書錄解題卷帙相合以世所傳三傳之本校之曼然不同如小爾雅廣言俗刻作停罰也此作浮罰也禮記投壺若是者浮正義所引可據也咸注亦典雅簡潔卷首載自序併進書表王伯厚玉海稱咸上所注揚子孔叢子賜三品服今所注揚子更不可得矣

子斥業七題三題合計五題不計其

卷首

THE UNIVERSITY OF CHICAGO

[illegible]

金華縣志

進孔叢子表

臣咸言准中書札子以臣注孔叢子
奉

聖旨附遞投進者集孔氏之遺書方
成傳釋辱漢家之大詔廣示甄收退
省妄庸實深震悸臣咸誠惶誠恐頓
首頓首臣竊以仲尼以還子思而後
聖嗣不絕賢才挺生皆道被於門人

一
一
悉教施於侯氏古今制度曲盡於討論禮樂綱衡並歸於矩矱成書雖在歷年滋深蓋著非一時故語類三豕臣咸伏念上卷蓋闕里之事業中篇乃聖人之子孫儻絕筆而未明則後代而何覩因以吏隙輒然管窺取諸史以究尋用羣經而參驗旣指歸而斯得復刪定以無繁爲注之文廣析

其理然小臣之學古當

真主之好儒有所述傳豈宜隱去遂
剡其奏用文于天豈謂

體天法道欽文聰武聖神孝德皇帝
陛下惟極宜慈未嘗自聖雖微言而
必采在介善以無遺遽降

玉音下從人欲臣是敢虔効編摩之
制仰塵黼黻之明雖姓異卯金素非

於廣學倘恩垂乙夜特賜於詳觀
詔近侍以刊修許善工而摹鏤參汲
冢之蠹簡大行於時庶鄴人之緒言
不墜于地則非獨孤生之有遇抑亦
素教之增輝永期大忠仰酌鴻造臣
無任干

天冒

聖激切屏營之至所注孔叢子七卷

口寫成五冊附遞投進以聞伏候
勅旨

嘉祐三年十二月十日廣南西路諸
軍州水陸計運轉運使兼本路勸農
使朝散大夫尚書度支郎中上輕車
都尉賜紫金魚袋臣宋咸上表

注孔叢子序

孔叢子者乃孔子八世孫鮒字子魚
仕陳勝爲博士以言不見用托目疾
而退論集先君仲尼子思子上子高
子順之言及己之事凡二十一篇爲
六卷名之曰孔叢子蓋言有善業
聚之也至漢孝武朝太常孔藏又以
其所爲賦與書謂之連叢上下篇口

一卷附之于末然士大夫號藏書者
所得本皆豕亥魚魯不堪其讀臣凡
百購求以損益補竄近始完集然有
語或淺固弗極於道疑後人增益乃
悉誅去義例繁猥隨亦刪定因念彼
鬼谷尉繚庚桑靈真浮夸汪洋之說
尚且命氏于世矧是書所載皆先聖
之言三代之術六藝之要在焉非諸

子之流也又可泯而不稱耶故敢具
所以然注而示諸學者云嘉祐三年
戊戌歲二月日提點廣南西路諸州
軍刑獄公事兼本路勸農事朝散郎
守尚書屯田郎中上輕車都尉賜緋
魚袋借紫臣宋咸謹序

孔叢子篇目

卷一

嘉言第一

論書第二

卷二

刑論第四

記問第五

卷三

雜訓第六

居衛第七

巡守第八

公儀第九

抗志第十

小爾雅十一

卷四

公孫龍十二

儒服十三

對魏王十四

卷五

陳士義十五

論勢十六

執節十七

卷六

詰墨十八

獨治十九

問軍禮二十 答問二十一

卷七

連叢子上二十二

連叢子下二十三

孔叢子卷一

宋咸注

嘉言第一

是書之第以孔子順之

言爲之先後以嘉言名篇者取夫子應答之善言爾

夫子適周見萇宏言終退萇宏語劉

文公曰

萇宏周大夫萇叔也劉文公卿士劉卷也劉畿內之國

吾觀孔仲尼有聖人之表河目而隆

顙

河目言深且廣

黃帝之形貌也脩肱而龜

背長九尺有六寸成湯之容體也然

言稱先王躬履謙讓洽聞強記博物
不窮抑亦聖人之興者乎劉子曰方
今周室衰微轍王而諸侯力爭孔邱
布衣聖將安施萇宏曰堯舜文武之
道或弛而墜禮樂崩喪亦正其統紀
而已矣言仲尼雖不得其位以行堯
舜文武之道亦可以正其統
紀而已矣然祖既而夫子聞之曰吾豈
敢哉亦好禮樂者也○陳惠公陳悼
太子